




საშურის მოაზება



№31(404)

21 აგვისტო, ორშაბათი,

2023 წელი

საქართველოს პრემიერ-მინისტრის ირაკლი ღარიბაშვილის ხელმძღვანელობით ეკონომიკური საბჭოს სხდომა გაიმართა

მთავრობის ადმინისტრაციაში გამართულ სხდომაზე ეკონომიკის მიმართულებით ქვეყანაში არსებული დადებითი ტენდენციები მიმოიხილეს.

განსახილველ საკითხებს შორის იყო ინფლაციის დაბალი დონე და ბიუჯეტის შესრულების დინამიკა. როგორც ფინანსთა მინისტრმა ლაშა ხუციშვილმა აღნიშნა, ივლისში სამომხმარებლო ფასების წლიურმა ინფლაციამ 0.3 პროცენტი შეადგინა, 2023 წლის 6 თვის მაჩვენებლების მიხედვით კი ბიუჯეტი გადაჭარბებით შესრულდა.

მთავრობის მეთაურმა რეგიონებში ინფრასტრუქტურული პროექტების მიმდინარეობის შესახებ მოისმინა ინფორმაცია. როგორც რეგიონული განვითარებისა და ინფრასტრუქტურის მინისტრმა ირაკლი ქარსელაძემ აღნიშნა, სამინისტრომ 2023 წლის 6 თვის სახელმწიფო ბიუჯეტი 13.5%-ის ანუ 1 331.1 მლნ ლარის გადაჭარბებით შეასრულა. მიმდინარეობს 203 კმ მაგისტრალური გზების მშენებლობა, რომლის განხილვაც, ეტაპობრივად, 2023 -2024 წლებშია დაგეგმილი. ქვეყნის მასშტაბით, მიმდინარეობს 1800 კმ-მდე შიდასახელმწიფოებრივი და ადგილობრივი გზების რეაბილიტაცია. 167 მდებარეობაში მიმდინარეობს წყალმომარაგებისა და წყალარინების, 3 მილიარდ ლარზე მეტი ღირებულების, პროექტები. სპორტული ინფრასტრუქტურის განვითარებისთვის მიმდინარეობს ახალციხის, ზუგდიდის, სოფელ არხილოსკალოს, ბოლნისის, წნორის სპორტული კომპლექსებისა და მრავალფუნქციური სპორტული დარბაზების მშენებლობა. დასრულების ეტაპზეა რუსთავის სპორტული კომპლექსის მშენებლობა.

პრემიერ-მინისტრის გადაწყვეტილებით, დაწყებული საბავშვო ბაღების მშენებლობა-რეაბილიტაციის პროგრამის ფარგლებში, 130 ახალი ბაღების მშენებლობაზე უკვე გაფორმებულია ხელშეკრულება და ტენდერების გამოცხადება გრძელდება.

სხდომაზე განიხილეს 800 სკოლის მშენებლობა-რეაბილიტაციის მასშტაბური, 1 მილიარდი ლარის ღირებულების პროექტი, რომელიც ასევე პრემიერ-მინისტრის გადაწყვეტილებით დაიწყო. პროექტის პირველ ეტაპზე მიმდინარეობს 80 ახალი სკოლის მშენებლობისა და 200 სკოლის რეაბილიტაციის პროცესი. მომდევნო ეტაპი 2024 წელს დაიწყება და 2026 წლის ბოლოსთვის დასრულდება. პროექტი საგანმანათლებლო რესურსებზე თანაბარ ხელმისაწვდომობა-გაუმჯობესებას უზრუნველყოფს და მისი განხორციელებით 230 000-ზე მეტი მოსწავლე ისარგებლებს.

პრემიერ-მინისტრის გადაწყვეტილებით დაწყებული ქალაქებისა და კურორტების განვითარების ახალი 5 წლიანი პროგრამის ფარგლებში, პირველ

ეტაპზე შერჩეული 11 მდებარეობის განვითარებისთვის, გამოცხადებულია 8 ტენდერი.

განსახილველ საკითხებს შორის იყო ტურიზმის მიმართულებით არსებული დადებითი ტენდენციები. როგორც ვიცე-პრემიერმა, ეკონომიკისა და მდგრადი განვითარების მინისტრმა ლევან დავითაშვილმა აღნიშნა, 2023 წლის I-II კვარტალში მოგზაურობიდან მიღებულმა შემოსავალმა 2019 წლის



მაჩვენებელს გადააჭარბა და რეკორდული მაჩვენებელი დაფიქსირდა - 1,804,529,935 აშშ. დოლარი, რაც 2019 წლის ანალოგიურ მაჩვენებლის 123.9%-ად გენაა. 2022 წელთან შედარებით მოგზაურობიდან შემოსავლები 57.9%-ით არის გაზრდილი. მთლიანობაში, 2023 წლის I-II კვარტლის მდგომარეობით საერთაშორისო მოგზაურობიდან საქართველომ 1.8 მილიარდი დოლარის შემოსავალი მიიღო.

ასევე განიხილეს ახალი ავია მიმართულებათა დამატებისა და ჩინეთთან ფრენების ინტენსივობის გაზრდის შესაძლებლობები. აღინიშნა, რომ სხვადასხვა ქვეყანასთან ფრენების ინტენსივობის გაზრდა და ახალი ავია მიმართულებების დამატება ხელს შეუწყობს ქვეყანაში ტურიზმისა თუ ავიაციის სექტორის განვითარებას.

სხდომაზე მსხვილი ეკონომიკური პროექტების მიმდინარეობასა და ამ მიმართულებით სამომავლოდ გადასადგმელ ნაბიჯებზე იმსჯელეს.



საკრებულოს რიგგარეშე სხდომა

16 აგვისტოს, გადაუდებელი აუცილებლობიდან გამომდინარე, გაიმართა საშურის მუნიციპალიტეტის საკრებულოს რიგგარეშე სხდომა, ნინო ლიპარტელიანის თავმჯდომარეობით.

სხდომამ დაამტკიცა პროექტი „საშურის მუნიციპალიტეტის მერიის პირველადი სტრუქტურული ერთეულის - ზედა მხედველობის სამსახურის დებულების დამტკიცების შესახებ“ 2017 წლის 4 დეკემბრის N44 დადგენილებაში ცვლილების შეტანის თაობაზე.


საშურში, მუსიკალური სკოლის მიმდებარე

ტერიტორია კეთილმოეწყო

მოწესრიგდა ქუჩის მიმდებარე არსებული ბეტონის კედელი, ფილებით მოპირკეთდა ტროტუარები, მოეწყო გაზონები, წრეზე განთავსდა ღირსი, დამონტაჟდა თანამედროვე ტიპის გარე განათება.

რეაბილიტაცია ჩაუტარდა მიწისქვეშა გადასასვლელსაც, რაც საშურელი მოქალაქეების უსაფრთხო და კომფორტულ გადაადგილებას უზრუნველყოფს.

მუსიკალური სკოლის მიმდებარე ტერიტორიის კეთილმოეწობისთვის ადგილობრივი ბიუჯეტიდან 149 107 ლარი დაინარჯა. მიწისქვეშა გადასასვლელის რეაბილიტაციისთვის გამოყოფილმა თანხამ კი 214 592 ლარი შეადგინა.



საქართველოს მთავრობის

დადგენილება №300

2023 წლის 14 აგვისტო
ქ. თბილისი

სამხედრო სავალდებულო სამსახურში მოქალაქეთა 2023

წლის სამემოდგომო გაწვევის შესახებ

მუხლი 1

„სამხედრო ვალდებულებისა და სამხედრო სამსახურის შესახებ“ საქართველოს კანონის მე-20 მუხლის პირველი პუნქტისა და 22-ე მუხლის და „სამხედრო სავალდებულო სამსახურის გადავადების მოსაკრებლის შესახებ“ საქართველოს კანონის მე-6 მუხლის მე-2 პუნქტის საფუძველზე, სამხედრო სავალდებულო სამსახურში მოქალაქეთა ორგანიზებულად გაწვევის მიზნით:

1. მოქალაქეთა 2023 წლის სამემოდგომო გაწვევა განხორციელდეს 2023 წლის 21 აგვისტოდან 2023 წლის 27 დეკემბრამდე.

2. საქართველოს თავდაცვის სამინისტროს მოთხოვნის შესაბამისად, საქართველოს თავდაცვის ძალებში გასაწვევ მოქალაქეთა მაქსიმალური რაოდენობა განისაზღვროს 1400-ით.

3. საქართველოს შინაგან საქმეთა სამინისტროს მოთხოვნის შესაბამისად, საქართველოს შინაგან საქმეთა სამინისტროში გასაწვევ მოქალაქეთა მაქსიმალური რაოდენობა განისაზღვროს 949-ით.

სახელმწიფო დაცვის სპეციალურ სამსახურში გაწვეულ იქნენ 18-იდან 27 წლამდე ასაკის მოქალაქეები, რომლებსაც საქართველოს კანონმდებლობით გათვალისწინებული წესით არ აქვთ სამხედრო სამსახურში გაწვევის გადავადების ან სამხედრო სამსახურში გაწვევისაგან გათავისუფლების მოთხოვნის უფლება.

7. ამ მუხლის პირველი პუნქტით გათვალისწინებულ პერიოდში, ამავე მუხლის მე-2 – მე-5 პუნქტებით გათვალისწინებული უწყებების წერილობითი მოთხოვნების შემთხვევაში, სამხედრო სავალდებულო სამსახურში მოქალაქეთა 2023 წლის სამემოდგომო გაწვევის პროცესი შესაბამის უწყებაში შეიძლება შეწყდეს ამავე მუხლის მე-2 – მე-5 პუნქტებით გათვალისწინებული მოთხოვნების შესრულებამდე.

8. 18-იდან 27 წლამდე ასაკის გასაწვევი მოქალაქეები ამ დადგენილების ძალაში შესვლის დღიდან ვალდებულნი არიან, გამოცხადდნენ მუნიციპალიტეტის მერიის, ხოლო ქალაქ თბილისის მუნიციპალიტეტში – ქალაქ თბილისის მუნიციპალიტეტის რაიონის გამგეობის (შემდგომში – თბილისის რაიონი) და აფხაზეთის ავტონომიური რესპუბლიკის იძულებით გადაადგილებულ პირთა სამინისტროს შესაბამის სტრუქტურულ ერთეულში (შემდგომში – მუნიციპალიტეტის/თბილისის რაიონის/აფხაზეთის ავტონომიური რესპუბლიკის იძულებით გადაადგილებულ პირთა სამინისტროს სტრუქტურული ერთეული) რეგისტრაციის/ფაქტობრივი საცხოვრებელი ადგილის მიხედვით.

9. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრომ ამ დადგენილების ამოქმედებიდან 10 დღის ვადაში განსაზღვროს ის სამედიცინო დაწესებულებები, რომლებშიც გაიგზავნებიან წვევამდებები დამატებითი სამედიცინო გამოკვლევისათვის.

10. მოქალაქეთა მიერ სამხედრო სამსახურში გაწვევის გადავადების მოსაკრებლის გადახდა განხორციელდეს გაწვევის მთლიან პერიოდში, მუნიციპალიტეტის/თბილისის რაიონის/აფხაზეთის ავტონომიური რესპუბლიკის იძულებით გადაადგილებულ პირთა სამინისტროს გამწვევი კომისიის მიერ სამხედრო სავალდებულო სამსახურში გაწვევის გადაწყვეტილების მიღებიდან 5 დღის ვადაში.

11. საქართველოს შინაგან საქმეთა სამინისტრომ ადგილებზე აღმოუჩინოს დახმარება მუნიციპალიტეტის/თბილისის რაიონის/აფხაზეთის ავტონომიური რესპუბლიკის იძულებით გადაადგილებულ პირთა სამინისტროს სტრუქტურულ ერთეულებს იმ წვევამდებლთა მოძებნასა და მუნიციპალიტეტის/თბილისის რაიონის/აფხაზეთის

ავტონომიური რესპუბლიკის იძულებით გადაადგილებულ პირთა სამინისტროს გამწვევ კომისიაზე გამოცხადებაში, რომლებიც არ იძებნებიან ან, სავარაუდოდ, თავს არიდებენ სამხედრო სავალდებულო სამსახურს.

12. საქართველოს რეგიონული განვითარებისა და ინფრასტრუქტურის სამინისტრომ კოორდინაცია გაუწიოს სამხედრო სავალდებულო სამსახურში გაწვევის პროცესს.

მუხლი 2

დადგენილება ამოქმედდეს 2023 წლის 21 აგვისტოდან.

პრემიერ-მინისტრი ირაკლი ღარიბაშვილი



ქართველი ჭაქარი

4. საქართველოს იუსტიციის სამინისტროს მოთხოვნის შესაბამისად, საქართველოს იუსტიციის სამინისტროს მმართველობის სფეროში მოქმედ სახელმწიფო საქვეუწყებო დაწესებულებაში – სპეციალურ პენიტენციურ სამსახურში გასაწვევ მოქალაქეთა მაქსიმალური რაოდენობა განისაზღვროს 570-ით.

5. სახელმწიფო დაცვის სპეციალური სამსახურის მოთხოვნის შესაბამისად, სახელმწიფო დაცვის სპეციალურ სამსახურში გასაწვევ მოქალაქეთა მაქსიმალური რაოდენობა განისაზღვროს 225-ით.

6. საქართველოს თავდაცვის ძალებში, საქართველოს შინაგან საქმეთა სამინისტროში, საქართველოს იუსტიციის სამინისტროს მმართველობის სფეროში მოქმედ სახელმწიფო საქვეუწყებო დაწესებულებაში – სპეციალურ პენიტენციურ სამსახურსა და

ხაშურის მუნიციპალიტეტი

ხაშურის მუნიციპალიტეტის მერია

ბრძანება:ბ84. 84232284

თარიღი:16/08/2023

ბრძანება ხაშურის მუნიციპალიტეტის ტერიტორიაზე რეგისტრირებული მოქალაქეების სამხედრო სავალდებულო სამსახურში 2023 წლის სამემოდგომო გაწვევის შესახებ

საქართველოს ორგანული კანონის „საქართველოს ადგილობრივი თვითმმართველობის კოდექსის“ 61-ე მუხლის მე-3 პუნქტის „ა“ ქვეპუნქტის, საქართველოს კანონის „სამხედრო ვალდებულებისა და სამხედრო სამსახურის შესახებ“ მე-20-ე, 21-ე, 22-ე, 23-ე, 24-ე, 25-ე,

28-ე მუხლების, | „სამხედრო სავალდებულო სამსახურის გადავადების მოსაკრებლის შესახებ“ საქართველოს კანონის მე-6 მუხლის მე-2 პუნქტის საფუძველზე და საქართველოს მთავრობის 2023 წლის 14 აგვისტოს № 300 დადგენილების „სამხედრო სავალდებულო სამსახურში მოქალაქეთა 2023 წლის სამემოდგომო გაწვევის შესახებ“ თანახმად, სამხედრო სავალდებულო სამსახურში მოქალაქეთა გაწვევის ორგანიზებულად მოწყობის მიზნით

ვ ბ რ ძ ა ნ ე ბ:

1. ხაშურის მუნიციპალიტეტიდან სამხედრო სავალდებულო სამსახურის გასავლელად 2023 წლის სამემოდგომო გაწვევის პერიოდში განხორციელდეს მოქალაქეთა გაწვევა საქართველოს შეიარაღებულ ძალებში 21 აგვისტოდან 27 დეკემბრამდე გეგმა-გრაფიკის შესაბამისად;

2. საქართველოს თავდაცვის ძალებში, საქართველოს იუსტიციის სამინისტროს მმართველობის სფეროში მოქმედ სახელმწიფო საქვეუწყებო დაწესებულებაში-სპეციალურ პენიტენციურ სამსახურში, საქართველოს შინაგან საქმეთა სამინისტროსა და

(დასასრული მე-3 გვერდზე)

(დასასრული მე-3 გვერდზე)

სახელმწიფო დაცვის სპეციალურ სამსახურში გაწვეულ იქნან ხაშურის მუნიციპალიტეტის ტერიტორიაზე რეგისტრირებული 18-დან 27 წლამდე ასაკის მოქალაქეები, რომლებსაც საქართველოს კანონმდებლობით გათვალისწინებული წესით არ აქვთ სამხედრო სამსახურში გაწვევის გადავადების ან სამხედრო სამსახურში გაწვევისგან გათავისუფლების მოთხოვნის უფლება;

3. მოქალაქეთა მიერ სამხედრო სავალდებულო სამსახურში გაწვევისაგან გადავადების მოსაკრებელის გადახდა განხორციელდეს გაწვევის მთლიან პერიოდში, მუნიციპალიტეტის გამწვევი კომისიის მიერ სავალდებულო სამხედრო სამსახურში გაწვევის გადაწყვეტილების მიღებიდან 5 დღის ვადაში;

4. ეთხოვოს საქართველოს შინაგან საქმეთა სამინისტროს შიდა ქართლის პოლიციის დეპარტამენტის ხაშურის რაიონულ სამმართველოს, საქართველოს მთავრობის 2023 წლის 14 აგვისტოს № 300 დადგენილების „სამხედრო სავალდებულო სამსახურში მოქალაქეთა 2023 წლის სამემოდგომო გაწვევის შესახებ“ პირველი მუხლის მე-11-ე პუნქტის შესაბამისად აღმოუჩინოს დახმარება ხაშურის მუნიციპალიტეტის მერიის პირველად სტრუქტურულ ერთეულს - სამხედრო აღრიცხვისა და გაწვევის სამსახურს იმ წვევამდელთა მოძებნასა და გამწვევ კომისიაზე გამოცხადებაში, რომლებიც არ იძებნებიან ან, სავარაუდოდ თავს არიდებენ სამხედრო სავალდებულო სამსახურს;

5. დამტკიცდეს გამწვევი კომისია შემდეგი შემადგენლობით:

კომისიის თავმჯდომარე:
თენგიზ ჩიტიაშვილი - ხაშურის მუნიციპალიტეტის მერი;

კომისიის თავმჯდომარის მოადგილე:

მიხეილ ბარბაქაძე - ხაშურის მუნიციპალიტეტის მერიის პირველადი სტრუქტურული ერთეულის სამხედრო აღრიცხვისა და გაწვევის სამსახურის ხელმძღვანელი;

კომისიის წევრები:

გიორგი კაპანაძე - შსს ხაშურის რაიონული სამმართველოს წარმომადგენელი;

პავლე გაგნიძე - საქართველოს სახელმწიფო უსაფრთხოების სამსახურის წარმომადგენელი;

ვასილ არჩვაძე - ხაშურის მუნიციპალიტეტის მერიის პირველადი სტრუქტურული ერთეულის სამხედრო აღრიცხვისა და გაწვევის სამსახურის უფროსი სპეციალისტი;

ვასილ მახარობლიძე - ხაშურის მუნიციპალიტეტის მერიის პირველადი სტრუქტურული ერთეულის სამხედრო აღრიცხვისა და გაწვევის სამსახურის უფროსი სპეციალისტი;

კომისიის მდივანი: ოლგა სიდიროპულო - ხაშურის მუნიციპალიტეტის მერიის პირველადი სტრუქტურული ერთეულის სამხედრო აღრიცხვისა და გაწვევის სამსახურის უფროსი სპეციალისტი.

6. საქართველოს მთავრობის 2023 წლის 14 აგვისტოს № 300 დადგენილების „სამხედრო სავალდებულო სამსახურში მოქალაქეთა 2023 წლის სამემოდგომო გაწვევის შესახებ“ შესაბამისად ხაშურის მუნიციპალიტეტის ტერიტორიაზე რეგისტრირებული 18-დან 27 წლამდე ასაკის გასაწვევი მოქალაქეები დადგენილების ამოქმედების დღიდან ვალდებული არიან, გამოცხადდნენ ხაშურის



მუნიციპალიტეტის მერიის სამხედრო აღრიცხვისა და გაწვევის სამსახურში;

7. ბრძანება გამოქვეყნდეს ადგილობრივ პრესაში;

8. ბრძანება შესასრულებლად გაეგზავნოს ხაშურის მუნიციპალიტეტის მერიის პირველადი სტრუქტურულ ერთეულს - სამხედრო აღრიცხვისა და გაწვევის სამსახურს;

9. ბრძანება ძალაში შევიდეს 21 აგვისტოდან;

10. ეს ბრძანება შეიძლება გასაჩივრდეს დაინტერესებული პირის მიერ, კანონმდებლობით დადგენილი წესით, ხაშურის რაიონულ სასამართლოში (ქ.ხაშური, კოსტავას ქ. №15) ერთი თვის ვადაში.

თენგიზ ჩიტიაშვილი,
ხაშურის მუნიციპალიტეტის მერი

- სპეციალისტის ბლოგი -

რამ გამოიწვია, წელს, ვაზის სოკოვანი დაავადებების ასეთი გააქტიურება

მცენარეების დაავადებების გამომწვევი სოკო ორგანიზმების განვითარებისათვის ხელსაყრელი ბუნებრივი პირობებისათვის მიმდინარე წლის გაზაფხული განსაკუთრებული იყო. ხშირი იყო წვიმები და, ამავე დროს, მაღალი ტემპერატურა. ეს ორი ფაქტორი, რომლებიც ხელსაყრელია მცენარეების დაავადებების გამომწვევების ზრდა - განვითარებისათვის და გავრცელებისათვის ხშირად მონაცვლეობდა დროის მოკლე მონაკვეთშიც კი. მაღალტენიანობას სწრაფად ცვლიდა მაღალი ტემპერატურა. კერძოდ, ტენიანობა 70-90% და ტემპერატურა 15-250 მირად გვესმოდა. ფერმერები ყველა ღონეს ხმარობდნენ, რათა შეემცირებინათ ის ზარალი, რასაც იწვევდა ვაზის სოკოვანი დაავადებები. ხშირად გავიგონებდი მევენახეების მხრიდან, რომ ჩატარებული წამლობების მიუხედავად, უმეტეს შემთხვევაში ვენახი მაინც ფუჭდებოდა. უნდა მოგახსენოთ, რომ ვაზის დაავადებების განვითარება დამოკიდებულია აგრეთვე ვენახის ადგილმდებარეობაზეც თუ რომელ ექსპოზიციაზე ვენახი გაშენებული. ჩრდილო ექსპოზიციაზე გამრობა, თუნდაც შესხმული შხამქიმიკატისა, ნელა მიმდინარეობს. სამხრეთ ექსპოზიციაზე - სწრაფად, მევენახეებს ვურჩიე ადგილობრივი გაზეთის საშუალებით, გამოეყენებინათ ვაზის ჭრაქისა და ნაცრის საწინააღმდეგოდ ისეთი პრეპარატი (მაგ. კაბრიოტოპი), რომელიც ერთდროულად მოქმედებს, როგორც ვაზის ჭრაქზე, ისე ვაზის ნაცარზე. ამით შემცირდებოდა წამლობების რიცხვი და ბუნებრივ ტენიანობას აღარ დაემატებოდა ის სისველე, რასაც ხსნარი იწვევდა. არსებობს მეცნიერებაში ე.წ. მიულერის მრუდი, რომელიც ასახავს თუ როდის აღწევს სოკოვანი დაავადებების გამომწვევები პიკს. ზუსტად ეს არის 14-150-დან 22-250-მდე

ტემპერატურა ტენიანობა 70-90%-მდე. ჩვენი მეტეოროლოგები ხშირად სწორად გვკარნახობენ ამინდის ასეთ პირობებს. ზუსტად ამ შემთხვევის წინ უნდა მომხდარიყო ვაზის შეწამლა. თუმცა, უნდა აღინიშნოს, რომ ასეთი ამინდის პირობები ძალიან იშვიათია, როგორც წელს იყო. სამწუხაროდ, ჩვენს ქვეყანაში არ არის იმის ფუფუნება, რომ ვენახის ფართობები გადაიხუროს. ეს უკანასკნელი კი დაიცავდა ვაზს დაავადებების განვითარება-გავრცელების ფაქტორისაგან.

რ. ღამბარაშვილი
სურსათის ეროვნული სააგენტოს შიდა ქართლის რეგიონული სამმართველოს უფროსი ინსპექტორი



უ ლ უ მ ბ ო ფრაგმენტები სოფლის ისტორიიდან

(გაგრძელება. დასაწყისი №18,19,20,21,22,23,24,25,26,27,28)

ულუმბო ჩვენი წარსულის მეტად საინტერესო ფურცელს გადავიხილავთ, თუკი აქ სერიოზული არქეოლოგიური სამუშაოები წარიმართება. შეიძლება, ამ სამუშაოებმა მიქაელ ულუმბოლის ნაკვალევზე მიგვიყვანოს. ამას გვაფიქრებინებს გასული საუკუნის 90-იანი წლების დასაწყისში ღვთისმშობლის ეკლესიის ეზოში შემთხვევით ნაპოვნი ჯვრის ფრაგმენტი (სიგრძე 4,1სმ., სიგანე - 3, 7 სმ.). ჯვარი სპილენძისაა, დაზიანებულია. აკლია ერთი გვერდი, რომელზეც გამოსახული უნდა იყოს მაცხოვრის მარჯვენა ხელი. დაზიანებულია აგრეთვე ქვედა მხარის მთავარი ნაწილი, ასევე ჯვრის წვერიც. ამ დევექტების მიუხედავად, აშკარად ჩანს, რომ ჯვარზე გამოსახულია ქრისტეს ჯვარცმა. სპეციალისტები, სტილისტური ნიშნებით, ჯვარს VII-VIII საუკუნეებით ათარიღებენ.

* * *

XIX ს - ის 30-40-იან წლებში, ხაშურის მუნიციპალიტეტის ზოგიერთი სოფელი ანტიბატონყმური მოძრაობის ტალღამ მოაგვა. მოძრაობაში აქტიურობდნენ ოსიაურის, ქვიშხეთის, ვაყის, ფლევის, აძვისის, წაღვლის, ალის და სხვა სოფლების გლეხობა.

განსაკუთრებით საყურადღებო იყო ე.წ. ულუმბელი გლეხობის ანტიბატონყმური მოძრაობა, რომელიც თითქმის 20 წელზე მეტხანს გძელდებოდა და ნაწილობრივ გლეხთა გამარჯვებით დამთავრდა.

ულუმბელი გლეხები იგულისხმება დღევანდელი ხაშურის მუნიციპალიტეტის სოფლების წაღვლის, აძვისის, ოსიაურის და ქარელის მუნიციპალიტეტის სოფლების სალოლაშენის, მოხისის, ავლევის და ბრეძის გლეხობა. სახელწოდება ულუმბოლები მათ შეერქვათ იმ მონასტრის სახელწოდებიდან გამომდინარე, რომელსაც ეს გლეხები ეგუთვნოდნენ. კერძოდ, ულუმბოს მონასტრის სახელწოდების მიხედვით. ეს მონასტერი-კი, როგორც უკვე ვიცით, ხაშურის მუნიციპალიტეტში, ჭერათხევის ხეობის სათავეში მდებარეობს.

ზემოთ აღნიშნული სოფლების 446 გლეხი, რომელიც თავის თავს ულუმბოს მონასტრის მიაკუთვნებდა, თითქმის ოცი წლის მანძილზე იბრძოდნენ თავადების - ამირეჯიბების ყმობიდან განთავისუფლებისათვის.

როგორც ირკვევა, ეს დავა, ამირეჯიბებსა და ულუმბოელებს შორის უფრო ადრე, XVIII საუკუნის 60 - 70 - იანი წლებიდან იღებს სათავეს და მეტნაკლები სიმწვავეთი გრძელდებოდა საქართველოს რუსეთთან შეერთებამდე და შემდეგაც.

ერთ-ერთი დოკუმენტი, რომელიც 1768 წლის 30 მაისით არის დათარიღებული, წარმოადგენს განჩინებას ამირეჯიბთა და ულუმბელთა ბატონყმობის საქმეზე, იგი მეტად საინტერესო მასალას შეიცავს, როგორც სოფლის ისტორიის, ასევე გლეხთა ანტიბატონყმური ბრძოლის შესახებაც.

განჩინებაში ნათქვამია: „ულუმბელები ულუმბის ღმრთისმშობლის შეწირულნი არიან და როდესაც ულუმბა ამირეჯიბს სასაფლაოთი მეფეთაგან წყალობა დამართებიათ, იმ მონასტრის წინამძღვარიც ამათ მისცემიათ, როგორც სხვას თავადებს წინამძღვარი და საწინამძღვრო სამკვიდროთი წყალობით სჭირთ და ბოძებიათ, აგრევე ამირეჯიბს ულუმბა ჰბოძებიათ და ამათი ყოფილა“.

სიგელიდან ისიც ირკვევა, რომ 1768 წლისათვის ულუმბის მონასტერი და სოფელი მიტოვებულია: „ავის დროს მიუხეობთ ადარც წინამძღვარი უკდათ და თითონ ეს ულუმბელები იმერეთს დაფანტული ყოფილიყვნენ“.

ამირეჯიბები ცდილობდნენ დაფანტული გლეხების მოგროვებას ულუმბოს აღდგენას. სამეფო კარიც ხელს უწყობდა ამირეჯიბებს ამ საქმეში. ერეკლე მეფის მიერ დავით ამირეჯიბისათვის მიცემულ ყმების სითარხნისა და მორიგე ჯარიდან გათავისუფლების წიგნში ნათქვამია: „ჩვენი ბძანება არის დავით ამირეჯიბი! მერე რომელიც იმერეთი კაცი გარდმოვა და ან თქვენი ყმა აქედამ აყრილი და იმერეთს მყოფი გარდმოვა და შენთან დასახლება და დაღება, ჩვენ იმათ არც მორიგეში გამოვიყვანთ და არც სხვა ხარჯსა და ბეგარაში გავრევთ“.

ამირეჯიბებს იმერეთის მეფისათვის უთხოვნიათ დახმარება ულუმბოელი გლეხების ქართლში გადმოყვანის თაობაზე.

„ეს ამირეჯიბები იმერეთს მეფეს შეხვეწნოდნენ, ერთი ხარაბა ადგილი ებოძებინა, (გლეხები - თ.ლ.) იქ მოეგროვებინათ და დაეყენებინათ. რადგან უცხოს ქვეყანაში იყვნენ, იმათის დაუკარგაობისა და გაუსყიდველობის მიუხეობთ ამ ულუმბელებზე ზოგი რამ ძალა ამირეჯიბს დავითს მიეღო... თვითონაც ცდილიყო, ულუმბოელები იქილამ აყარა და ქართლში გადმოეყვანა“.

ამირეჯიბებმა შეძლეს იმერეთიდან გლეხების უკან გადმოყვანა. სამეფო კარის განაჩენით, ულუმბელებს ამირეჯიბებისათვის ისევე უნდა ემსახურათ, როგორც ამას იმერეთში გადასვლამდე აკეთებდნენ: „რაც ძველთაგან ულუმბოელებს სამსახური ზღებიათ, იმ რიგათ ემსახურნენ“.

აღნიშნულ განაჩენს ერეკლესთან ერთად 1768 წლის 6 ივნისს ამტკიცებს ანტონ კათალიკოსი.

1802 წლის 11 ივნისს განაჩენს კვლავ ამტკიცებს კათალიკოსი. როგორც დოკუმენტიდან ჩანს, ამირეჯიბებს გლეხები ულუმბოში არ დაუსახლებიათ: „მაგრამ რადგან დღეს ულუმბოელები თავის სამკვიდროზე აღარ დგანან და ამირეჯიბი სხვას მამულზე აყენებს, მარამდინ სამკვიდროზე მოსვლა მოუხდებოდადეს, შეძლებისაგან ბატონყმურათ ემსახურონ და როცა თავის სამკვიდროზე დაღებებიან, რაც ამირეჯიბისა ზღებოდეს, ისე მსახურონ“.

თუმცა ლეკიანობა მხარეში ისევ გრძელდებოდა და შექმნილი მდგომარეობა იმის საშუალებას არ იძლეოდა, რომ ისინი ულუმბოში, „სამკვიდროზე“ დაესახლებინათ.

ამიტომ არის ანტონ კათალიკოსის 1802 წლის 23 მაისის განჩინებაში აღნიშნული, რომ „ულუმბა ორმოდგაათი წელიწადი არის, რომ უშენი ყოფილა“.

ირკვევა, ულუმბელების ერთ ნაწილი ამირეჯიბებს ავლევში დაუსახლებია დროებით. შემორჩენილია მოსახლეობის აღწერის დავთარი, რომელშიც, ავლეველებთან ერთად, არაერთი ულუმბელი ფიგურირებს: „ქ. ავლევს ამირეჯიბი მუჭაბუკის და დავითის ყმა აზნაურიშვილი ბაქრაძე კაცის შვილი ზალიკა კომლი ა, თავი ა.

ქ. აქავ ბარდიაშვილი აზნაურიშვილი რევაზის შვილი {...} თავი ა ქ. აქავ ამათი ყმა ულუმბელი კაპანაძე მღვდელი გიორგი, ამისი ძმა ბერი, ამისი ძმა კაცია, კომლი ა, თავი გ.

ქ. აქავ ამათი ყმა ულუმბელი კაპანაძე ბერიკა, ამისი ძმა ხოსია კომლი ა, თავი ბ.

ქ. აქავ ამათივე ყმა ულუმბელი ჩაჩანიძე ნინია და ლაზარე და ამისი ბიძაშვილი გოგია და ბერიკა კომლი ა, თავი დ.

ქ. აქავ ამათივე ყმა ულუმბელი ჩაჩანიძე ნინია და კაცია კომლი ა, თავი ბ.

ქ. აქავ ამათივე ყმა ულუმბელი ლომიძე ლაზარე და მისი შვილი ბერიკა კომლი ა, თავი ბ.

ქ. აქავ ამათივე ყმა ულუმბელი კურტიანიძე პაატა კომლი ა, თავი ა.

ქ. აქავ ამათივე ყმა წაღვლელი მუხბითიძე ბერი კომლი ა, თავი ა.

ქ. აქავ ამათივე ყმა უწლეველი კვიციანიძე შერმაზან, ამისი ძმა ნინია და ამისი ბიძაშვილი პაატა კომლი ა, თავი ბ.

ქ. აქავ ამათივე ყმა უწლეველი კვიციანიძე ოთარიკა და მისი ძმა ივანე კომლი ა, თავი ბ.

ქ. აქავ ამირეჯიბი ზაზას ყმა ულუმბელი კაპანაძე მარკოზა, ამისი ძმა მღვდელი იოსებ, ამისი ბიძაშვილი მღვდელი სვიმონ, ამისი ძმა გოგია და კიდევ ამისი ბიძაშვილი დიაკონი გოგია და გაბრიელ კომლი ა, თავი ვ.

ქ. აქავ ამისივე ყმა ულუმბელი ჩაჩანიძე ბერიკა კომლი ა, თავი ა.

ქ. აქავ ამისივე ყმა წაღვლელი მიქელაშვილი ბერიკა, ამისი ძმა ივანე კომლი ა, თავი ბ.

ქ. აქავ ამისივე ყმა წაღვლელი ალაშვილი იმედა კომლი ა, თავი ა“

როგორც ვხედავთ, არაერთი ულუმბელი ფიქსირდება ავლევში. სხვა დოკუმენტებიდან ჩანს, რომ იმერეთიდან გადმოსული ულუმბელები ავლევის მსგავსად სახლებიან სხვადასხვა ადგილას, მაგალითად სოფელ არაღეთში. ისინი თითქოს გაურბიან მშობლიურ ულუმბოს და ეს გასაკვირი არ არის. იმდენად განხიზხებულია ლეკიანობა ალის მხარეში, რომ მათ ურჩევნიათ

მშობლიური ადგილებიდან მოშორებით, შედარებით მშვიდობიან და უსაფრთხო ადგილას დასახლება.

იმერეთიდან ულუმბოს ყმა გლეხობის გადმოყვანის პროცესი XVIII ს - ის 60 -იანი წლებიდან დაიწყო. რა თქმა უნდა, ქტიურობდნენ ამირეჯიბები და ყოველ ღონეს ხმარობდნენ პროცესის დასაჩქარებლად. ამ საქმეში სათანადო ყურადღებას იჩენდა სამეფო კარი. ჯერ კიდევ 1767 წლის 10 ივნისის ბრძანებით, სამეფო კარმა მთელი რიგი შეღავათები დააწესა იმერეთიდან გადმოსულ ამირეჯიბების ყმა გლეხობაზე:

„ჩვენი ბრძანება არის, ვინცაღინ ამირეჯიბის ქაიხოსროსი და მისის ძმების ყმანი იმერეთიდან გარდმოსვლით ამაზე თქვენ დაჯერებულნი იყავით. ამ ოთხს-ხუთს წელიწადს თქვენ არც ლაშქარს გამოგიყვანთ და არცა რას სხვასა სათხოვარსა გიხოვთ. ყურს მოგიგდებთ ღ-თით კარგა გაგაძლებინებთ ამ ორს თვეს მარამდინ მუშაობა არის თქვენი ან მანდ შეინახეთ საცა დგანართ და ან სხვას სიმაგრეში შეეფარენით ამ ორს თვეს უკან საკირეებსაც დაგიდგმევინებთ. იმის დაწვასა და მუშაობაში სოფლებს მოგანმარებთ ასეთი სიმაგრე გაგიკეთდებათ, რომ ღ-თით მტრისაგან საფიქრებელი ადარ გქონდესთ“.

ულუმბელები, მიუხედავად იმისა, რომ მკვიდრ ადგილზე ადარ იდგნენ და დაფანტულები იყვნენ სხვადასხვა სოფლებში, მონაწილეობას ღებულობდნენ სამეფო კარის მიერ ორგანიზებულ მორიგე ლაშქარში. ზემო ქართლის სოფლებიდან გასაყვანი მორიგე ლაშქრის დავთარში მითითებულია, რომ მორიგე ლაშქარში ქვემო ნიჭოზიდან გასვლა ევალებოდა აქ მცხოვრებ ზაზა ამირეჯიბის ყმას, ულუმბელ დავით მღვდელს.

მეორე ასეთივე დავთრის მიხედვით მორიგეში გასვლა ევალებოდა მერეთიდან ულუმბის ღვთისმშობლის ეკლესიის ყმას ლეკანოზ იოსებ ლეკანოზიშვილს.

უფრო მეტიც, მორიგე ლაშქარში გასვლა ევალებოდა „მთის იქით“ ულუმბის ღვთისმშობლის ეკლესიის ყმებს. ერეკლე მეფის 1775 წლის მიწერილობაში აღნიშნული თაობაზე ნათქვამია: „რომელნიც არიან მთას იქით ულუმბის ღვთისმშობლის ყმანი ლიჩელები, რვა კაცი უნდა იყვნენ კათათვეში მორიგეთ და თითხმეტი კაცი ხეფინისხვიდგან მორიგეთ. ამასთანავე უნდა იმყოფებოდეს გაუყრელად და უნფროს კაცად ორი აზნაურიშვილები ლიჩიდგან ლომიძეები და ხეფინისხვის უნფროს კაცათ ნადაბურიდგან ორი მსახური გელაშვილები. ამას გარდა ლიჩისა და ხეფინისხვის სხვა შეწუხება ჩვენგან არ მიადგება“.

სამეფო კარი გარკვეულ შეღავათებს უწესებდა ამირეჯიბებსაც იმერეთიდან თავიანთი ან სხვის გლეხების გადმოყვანის შემთხვევაში. ამაზე უნდა მიგვანიშნებდეს დავით ამირეჯიბის 1778 წელს 9 აგვისტოს არზა ერეკლე მეფის ოქმით. არზაში ნათქვამია: „ღმერთმან ბედნიერის ხელმწიფის ქირი მოსცეს დავით ამირეჯიბს. ულუმბელი ჩვენი ყმა კაპანაძე ბერი ალი რომ წახდა, მაშინ იმერეთს გარდავარ(ა) და თქვენგან ოქმი მაქვს ნაბოძები იმერეთიდან რასაც კაცს მოიყვან შენს ყმას თუ სხვის ყმას, შენ ვეღარავინ გამოგართმევსო. თქვენის ოქმის ძალით ჩემის ხარჯით კაპანაძე ბერი იმერეთიდან გარდმოვიყვანე. ერთის ოქმის წყალობა გვიყოთ ამ ჩემს ძმას და ან სხვა კაცს ამ კაცთან ხელი არა ჰქონდეს“.

12 აგვისტოს ერეკლე მეფემ დააკმაყოფილა დავით ამირეჯიბის თხოვნა: „ჩვენი ბძანება არის! ეს კაცი (ბერი კაპანაძე - თ.ლ.), რადგანაც ამას (დავით ამირეჯიბს - თ. ლ.) მოუყვანია, ამისი არის, სხვას საქმე არავისა აქვს“.

როგორც ჩანს, ამირეჯიბებს გარკვეული უთანხმოება ჰქონდათ ერთმანეთთან იმერეთიდან გადმოყვანილ ყმა გლეხობის უთანხმოების თვალსაზრისით. ამის უტყუარი საბუთი უნდა იყოს ერეკლე მეფის 1781 წლის 11 ივლისის ბრძანება, რომელშიც ნათქვამია: „მერმე ამირეჯიბს დავითს, რომ თავისი ყმა ულუმბელი კაცი, რომ იმერეთიდან გადმოეყვანია, ამაზედ საჭირნახულო უნდა აიღოს და სხვა სამოოდ უნდა გაიყონ ამირეჯიბმან ზაზამ და ამისმა ძმამ დავითმან და მისმან ძმისწულმან ამის გარდა რომელიც რომ გაუყოფარი კაცი ულუმბელი, რომელმაც ძმამ იმერეთიდან კიდევ გარდმოიყვანოს, იმაზედ საჭირნახულო აიღოს და სხვა სამოთ გაიყონ“.

ამირეჯიბებს დახმარებას უწევდა იმერეთის მეფე სოლომონ მეორე. 1790 წლის 3 დეკემბერს იგი წყალობის სიგელს აძლევს ზაზა ამირეჯიბს: „ესე წყალობის წიგნი გიბოძეთ ჩვენ, სრულიად იმერთა მეფე სოლომონ, შენ, მინბაშს ამირეჯიბს ზაზას, ასე რომა ქუთაისს რომ გაგიტუმრეთ, ზურაბ წერეთელთან სალთუხუცესთან, მაშინ ორს კვამლს მოჯალაბეს დაგვირდით. ახლა თუ შენი მეშვიდრე გლეხები არიან ჩემს სამეფოში, იმას ამოგიგებ და გიბოძებ, და თუ არა და ვერ ამოგიგებ შენი გლეხები, ორს მოჯალაბეს, რომ დაგვირდო გლეხებს, იმას გიბოძებ, არ გიმტყუნებ“.

ჩვენს ყურადღებას იქცევს, ამირეჯიბთა გაყრის შემდეგ ერეკლე მეფის მიერ ზაზა მირეჯიბისათვის გლეხების წყალობის წიგნი. მასში ნათქვამია, რომ გასამყრელად ერეკლე მეფემ თითო-თითო კომლი გლეხი აიღო ულუმბაში, თიღვასა და ავლევში. ულუმბელმა გლეხებმა ზაზა ამირეჯიბთან ყოფნა მოინდომეს, მეფემაც გაითვალისწინა მათი თხოვნა და გარკვეული პირობით უწყალობა ამირეჯიბს:

„...ესე წყალობის წიგნი შეგიწყალოთ და გიბოძეთ ჩვენს დიდათ ერდგულსა და თავდადებით მრავალგვარად ნამსახურს ხუთასის თავს ამირეჯიბს ზაზას, შვილსა შენსა ზალს, სარიდანს, სოლომონს, ქაიხოსროს და დიმიტრის. ასე რომ შენ და შენ ძმა და ძმისწული რომ გაიყარენით გასამყრელთ სამი კმლი გლეხი ავიღევი, ერთი ულუმბას, ერთი თიღვას და ერთი ავლევს. რომელიც ულუმბას ავიღევი კაპანაძე მღვდელი სვიმონ და მისი ძმები, ჩვენ ესენი ჩვენს სახლოების დამფარველს ულუმბის მღვთისმშობელს მივართოთ და მათ შენი ხელდაუბულობა და შენს კელათ ყოფნა მოინდომეს. დაწერილითაც მოგვახსენეს ჩვენ ზალს ამირეჯიბის ხელათ ვიქნებითო. რადგანაც ამათაც მოინდომეს, ჩვენც ამათის ნებით შენ ასე გიბოძეთ, როგორც სხვა ულუმბის ღვთისმშობლის ყმანი ულუმბელები თარხანი იყნენ. რომელსაც განწესებით ეს კაპანაძე მღვდელი სვიმონ და მისი ძმანი მარკოზ, გოგია და ბერიკა, ისე თარხანი უნდა იყნენ და რომელიც თიღველი გლეხი ტრანკაძე დათუა და მისი ძმანი კიკოლა და გოგია ჩვენს გასამყრელთ აღებული იყო, ესეც შენთვის გვიბოძებ და წყალობა გვიქნია თავითის მამულით დღეს რისაც შექონებულნი არიან...“.

წყალობის სიგელში ყურადღებას იქცევს შემდეგი სიტყვები: „რადგანაც ამათაც (კაპანაძეებმა - თ.ლ.) მოინდომეს, ჩვენც მათის ნებით შენ ასე გიბოძეთ, როგორც სხვა ულუმბის ღვთისმშობლის ყმანი ულუმბელები თარხანი იყნენ, რომელსაც განწესებით ეს კაპანაძე მღვდელი სვიმონ და მისი ძმანი მარკოზ, გოგია და ბერიკა ისე თარხანი უნდა იყვნენ“.

აქ გარკვევით ჩანს, რომ კაპანაძეები თარხანნი (თავისუფალი) უნდა იყვნენ, ისე როგორც ულუმბის ღვთისმშობლის ეკლესიის სხვა ყმები.

1822 წლის 2 მარტს კაპანაძეები პირობის წერილს აძლევდნენ ამირეჯიბებს:

„...ესე პირობის წერილი მოგართვით შენ, ამირეჯიბს ზალის ძეს დავითს, გიორგის და დიმიტრის, ჩვენ, კაპანაძემ გრიგოლ მღვდელმა და ჩემა ბიძაშვილმა გიორგიმ და ბერიმ და გიგოლამ. ასე, რომ, როდესაც თქვენი პაპანი გაყრილან იმ ქამ(ში) ჩვენ მეფე ირაკლის გასამყრელოში აუღივართ. გაყრის უკან ჯამს, როგორც მეფე ირაკლის წყალობის წიგნში აცხადებს... პაპის შენის თავი გამოგითხოვინა და მეფეს ირაკლისაც უნებებია. იმ თარიღიდან აქამომდე და (ა)ხლაც ჩვენ იმ წერილს გამოგვით შენ დავითს და შენს ძმებსა. ასე რომ, როგორათაც შენი პაპა და მამა იყო მწყალობელი, აგრეთვე თქვენც იყოთ ჩვენზე მწყალობელი და ჩვენცა შენი ერდგული მოსამსახურე ვიყოთ. როგორც პაპის და მამისა შენისათვის გვიმსახურია, ისე შენ გემსახუროთ, ყოველივე ჩვენი წერილი აღვასრულოთ სამსახურით, რომელიც პაპის შენისთვის გვიმსახურია და ვინ იცის ჩვენმა შვილმა და ანუ შვილისშვილმა თქვენი სამსახურის უმორჩილობა იხმაროს და არ გემსახურონ, იხადონ რუსულის კანონით და ვიყოთ დამნაშავენი და გარდახდეს უმორჩილებისათვის ფიცგულის კანონით. რომელიც პაპსა და მამასა შენსა ვხლებივართ მსახურათ, აგრეთვე შენ გახლიოთ მსახური და რომელიც არის ჩვენი ესე სრული და ჭეშმარიტი პირობა. ამჟამად ღერბოვის ქაღალდი არა ქონდა და როდესაც გვიბოძო იმაზე გარდაგიწერო და კიდევ წარვდგეთ სასამართლოში დღეს ჩვენგან მოცემული წერილი დავამტკიცებინათ. არის ამისი მოწამე ვინცაღინ ხელს მოაწერს კაცთაგან, კიდევ კეთილშობილი კიკოლა ყრსვანოვი და მე თავადს გიორგი ავალოვს დამიწერია ამ გრიგოლ მღვდლის და მისი ბიძაშვილების თხოვნით და ხე ლმოცემით“.

თ. ლაცაბიძე

(გაგრძელება იქნება)

- ახალგაზრდები - ხაშურის მომავლისათვის -

გიორგი მაჭარაშვილი: - საქმის ერთად კეთება ჩვენი პრიორიტეტია...

28 ივლისს, ხაშურის მუნიციპალიტეტისა და ახალგაზრდობის სააგენტოს მხარდაჭერით, ხაშურის საშუალო სკოლის შენობაში, ახალგაზრდული სივრცე გაიხსნა. ორგანიზაცია, „ახალგაზრდები ხაშურის განვითარებისთვის“, თავის საქმიანობას, გასული წლის დეკემბრიდან ახორციელებს. წელს კი, მუნიციპალიტეტის მერიის და საკრებულოს მხარდაჭერით, ახალი სივრცე აქვთ, სადაც აქტიურად წარმართავენ ახალგაზრდულ საქმიანობებს. ორგანიზაციის ხელმძღვანელმა, გიორგი მაჭარაშვილმა, ორგანიზაციის შექმნის აუცილებლობაზე და საქმიანობებზე ისაუბრა და იმ მოლოდინებზე, რომელიც ორგანიზაციას, იმ ახალგაზრდებთან ერთად აქვთ, რომლებიც უკეთესი ხაშურის შესაქმნელად, აქტიურად არიან ჩართულნი ორგანიზაციის მიერ ინიცირებულ აქტივობებში.

გიორგი მაჭარაშვილი-ორგანიზაცია „ახალგაზრდები ხაშურის განვითარებისთვის“ ხელმძღვანელი:

-ჩვენმა ორგანიზაციამ 2022-23 წლებში განახორციელა პროექტი „ხაშურის ახალგაზრდული სივრცის შექმნა არაფორმალური განათლების ხელშეწყობის მიზნით“, აღნიშნული პროექტი განხორციელდა ახალგაზრდული სააგენტოს მიერ დაფინანსებული საგრანტო კონკურსის ფარგლებში. პროექტის განხორციელების საქმეში, მნიშვნელოვანია ადგილობრივი ადმინისტრაციის და საკანონმდებლო ხელისუფლების მონაწილეობის ხაზგასმა. პროექტის მიზანი ყო, მოწყობილიყო ხაშურში ახალგაზრდული სივრცე და ახალგაზრდებისთვის ჩაგვეტარებინა ტრენინგები, სემინარები, ვორკშოპები და ამ აქტივობების ფარგლებში, მიგვეცა მათთვის არაფორმალური განათლება.

-პროექტებში მონაწილეობის შესაძლებლობა, რა ასაკის ახალგაზრდებს აქვთ?

-პროექტი რეალურად, პირველი დეკემბრიდან დაიწყო, ყველა აქტივობა, საკრებულოს თავმჯდომარის ხელშეწყობით, საკრებულოს სხდომათა დარბაზში ხორციელდებოდა. გვექონდა რამდენიმე გასვლითი

მხრიდან?

-ჩემი ზრით, დაინახეს, ჩვენი ორგანიზაციის შექმნის და არსებობის საჭიროება, - რომ ხაშურელ ახალგაზრდებს, ფორმალურ და არაფორმალური განათლების ბევრ შესაძლებლობას ვაძლევთ, რომ პრიორიტეტი ჩვენი ქალაქი და აქ მცხოვრები ახალგაზრდობაა და რომ ერთად საქმის კეთება ჩვენი პრიორიტეტია. მიუხედავად იმის, რომ ამ ეტაპზე, გაწერილი, კონკრეტული გეგმები არ გვაქვს. სადაც ვჭირდებით ჩვენს ახალგაზრდებს, რა მიმართულებითაც, ვცდებით, ყველა სფერო მოვიცვათ, ყველა პრობლემის გარშემო ვფოკუსირდეთ. ჩვენი პირადი ბაზა შევქმენით, სადაც 112 ახალგაზრდაა გაერთიანებული. ორგანიზაციას ჰყავს დამფუძნებლები, რომლებიც ოთხი ადამიანისგან შედგება.



-დამეთანხმებით, რომ ნაყოფიერი საქმიანობის საწარმოებლად, ბიუჯეტია საჭირო. ამ მხრივ, როგორია ორგანიზაციის ფინანსური მდგომარეობა?

-ბიუჯეტი ამ ეტაპზე არ გვაქვს, მოხალისეობრივია ჩვენი მუშაობა. პროექტის ფარგლებში, ჩვენი ბიუჯეტი 30 000 ლარით განისაზღვრა, სადაც სივრცის მოწყობა, ტექნიკა, ტრენინგების ჩატარება შედიოდა. ეს ახალგაზრდობის სააგენტოს გრანტი იყო. როდესაც ორგანიზაციის შექმნის იდეა ხაშურის მერიას და საკრებულოს გავაცანით, დიდი მხარდაჭერა აღვითქვეს და ოფიციალური წერილი დავურთეთ საგრანტო განაცხადს და ესეც იყო მიზეზი იმის, რომ გრანტი ავიღეთ და წარვმართეთ ჩვენი საქმიანობა.

-რადგან ჩვენი ახალგაზრდული საქმიანობა, საკმაოდ მასშტაბური გახდა, ბუნებრივია, დღის წესრიგში დადგა სივრცის არსებობა, სადაც შევძლებდით საქმიანობის წარმართვას. ადგილობრივი მერიის და საკრებულოს მხარდაჭერით, გადმოგვეცა რეაბილიტირებული სივრცე, სადაც ჩვენც ჩვენი წილი შევიტანეთ. 28 ივლისს, ოფიციალურად გაიხსნა ახალგაზრდული სივრცე. გახსნაში მონაწილეობა მიიღეს საქართველოს კულტურის, სპორტისა და ახალგაზრდობის მინისტრის მოადგილე - ირაკლი გვიიაშვილმა, ხაშურისა და ქარელის მაჟორიტარმა დეპუტატმა ზაალ დუგლაძემ და ხაშურის მუნიციპალიტეტის მერმა თენგიზ ჩიტიაშვილმა.

-ორგანიზაციის მუშაობის მანძილზე, რა სახის ცოდნის გაზიარება შეძელით?

-ძირითადად, ამ პროექტის ფარგლებში, ადგილობრივი ტრენინგები გვყავდა ჩართული, ზვიად გოგუაძე, სკოლის დირექტორები, საარჩევნო ოლქის წევრები-საარჩევნო სისტემებზე, ბუღინგზე, ბიზნესკონკურენციაზე გვყავდა მოწვეული სტუმრები. გვექონდა გასვლითი ღონისძიებები გორის სამხედრო აკადემიაში, შიდა ქართლის მიუსაფარ ცხოველების სააგენტოში.

-ახალგაზრდების მხრიდან თუ ხდება შემოთავაზებები, რაიმე პრობლემატიკის, ან თემის განხილვის? დიალოგი როგორია ახალგაზრდობასთან?

-რა თქმა უნდა, 28 ივლისს, როცა გავხსენით ეს სივრცე, პროექტი, დაიხურა, ბიუჯეტი აღარ გვაქვს. ამ მდგომარეობის გათვალისწინებით, მათ შევთავაზეთ, როგორ შედავენ ჩვენი ორგანიზაციის მომავალს, გვაჩვენონ. ჩანიშნული გვაქვს შეხვედრა, სადაც ახალგაზრდები წარმოადგენენ თავიანთ ხედვებს, რა შეიძლება გაკეთდეს ამ პირობებში, რა ფორმატში გავაგრძელოთ მუშაობა.

უნდა აღვნიშნო, რომ ამ ეტაპზე, წლის ახალგაზრდობის სააგენტოს მრჩეველთა საბჭოს წევრი ვარ და აქტიურად წარმოვადგენ ხაშურის მუნიციპალიტეტს და აქტიურად ვცდილობ, ვაჩვენო, რომ ხაშურს შეუძლია, ახალგაზრდობის რესურსი, უდიდეს ძალად აქციოს.



შეხვედრაც. ჩვენი ორგანიზაციის პრიორიტეტი, განსაკუთრებული შესაძლებლობის ადამიანების სამოქალაქო ჩართულობაა. პროექტის ფარგლებში, მოვიცავთ 14-დან 29-წლამდე ხაშურში მცხოვრებ ახალგაზრდებს, თუმცა, გვყავს სხვა ასაკობრივი ბენეფიციარებიც, რომელთა მხრიდანაც დიდი იყო ინტერესი პროექტებში მონაწილეობის.

-რა იყო მიზეზი, ამ ორგანიზაციის შექმნის?

-ჩემი პიროვნული დამოკიდებულება იყო მთავრი მიზეზი და მოტივაცია, მსგავსი ტიპის საქმიანობა დამეწყო ჩემ ქალაქში და ერთგვარად, ჩემი წილი პასუხისმგებლობა ამელო ჩემი ქალაქის განვითარების საქმეში. ცალსახად, ნათელი გახდა, რომ ასეთი აქტივობები ხაშურში არ არსებობდა და მსგავს ჩართულობას დიდი გამოხმაურება მოჰყვა. არ დაგიმალავთ, ამხელა მოლოდინი არც მე მქონია, პირველივე ანონსს, დიდი გამოხმაურება მოჰყვა. ჩართულობა და ინტერესი ყოველგვარ მოლოდინს გაცდა. თემა წინასწარ იყო დაანონსებული.

-თქვენი აზრით, რა იყო იმის მიზეზი, რომ ამხელა მხარდაჭერა და თანადგომა იქნა გამოხატული ხაშურის მერიის და საკრებულოს

- ხელოვნება -

„ოქროს ფარი“ შთამბეჭდავი და წარმატებული გასტროლიდან მშობლიურ ქალაქში დაბრუნდა

საშურის ბავშვთა დამსახურებული სახალხო ანსამბლი, ოქროს ორდენის მფლობელი „ოქროს ფარი“ ამჯერად საბერძნეთის საერთაშორისო ფესტივალის, კიდევ ერთი წარმატებული გასტროლიდან დაბრუნდა. უამრავი ჯილდოთი და მიწვევით სხვადასხვა ფესტივალებში მონაწილეობისათვის. ქორეოგრაფი



ნონა თედიაშვილი ჩვეული ენერგიულობით, სიამაყით და საკუთარი მოცეკვავეებისადმი სიყვარულით გვიამბობს საბერძნეთის გასტროლის შესახებ.

2023 წლის აგვისტო

წლებანდელი წელი ანსამბლისათვის „ოქროს ფარი“ ნაყოფიერი იყო, განსაკუთრებით ზაფხული. ანსამბლმა მოაიარა ქობულეთის და ბათუმის ფესტივალები, გავემგზავრეთ საბერძნეთში მსოფლიო ფესტივალზე. ვემზადებით ამერიკაში, ლას-ვეგასში მსოფლიო ფესტივალზე გასამგზავრებლად. თითქმის ყოველი თვე ძალიან აქტიური და დატვირთული იყო. დაგვიკავშირდა საბერძნეთის მსოფლიო ფესტივალის ორგანიზატორის „ენ სტუდიის“ ხელმძღვანელი.



მინდა გითხრათ, რომ ჩვენი ბავშვების დადებულ ვიდეოებს აქვს მილიონობით ნახვა ფეისბუქ გვერდზე, შესაბამისად პირდება „ოქროს ფარი“ საქართველოს მამბებით და აქედან გამომდინარე, დაგვიკავშირდა „ენ სტუდია“, რომელთანაც არასოდეს არ გვითანამშრომლია. მათ მოეწონათ ანსამბლის ცეკვები, ვიდეოები და შემოგვთავაზეს, რომ მიგველო მონაწილეობა საბერძნეთის მსოფლიო ფესტივალზე ქალაქ სალონიკში. ფესტივალი მოიცავდა გახსნით და დახურვით დღეს. გასულ წლებში ოთხჯერ იყო ანსამბლი საბერძნეთში. გამოსვლები გქონდა ჰალკიდის კუნძულებზე, სალონიკში, არისტოტელეს სახელობის უნივერსიტეტის დარბაზში, ათენში, კუნძულ კრეტაზე და ამიტომ ეს ქვეყანა „ოქროს ფარისთვის არ იყო უცხო. მაგრამ ახლა არის სხვა თაობა და მიხდოდა მეზუთედ მათთან ერთად მემოგზავრა გასტროლით. საბოლოოდ ბავშვებიც, მშობლებიც ძალიან ბედნიერები და კმაყოფილები დავბრუნდით. ეს იმანაც განაპირობა, რომ გარდა იმისა, რომ ფესტივალი იყო მრავალფეროვანი, იყო ძალიან კარგი შემოთავაზებები, მოწვევები. პარალელურად ვათვალისწინებდით ქალაქს. საბერძნეთთან ერთად ვიმოგზავრეთ თურქეთის დედაქალაქშიც, ვნახეთ მისი ღირსშესანიშნაობებიც.

მთლიანობაში, ქალაქიდან გასვლები ვიყავით ათი დღის განმავლობაში. საბერძნეთში დავყავით ექვსი დღე. გახსნითი კონცერტი გაიმართა ბერძნებისათვის ისტორიულად მნიშვნელოვანი, - ჰალკიდის კუნძულის მანლობლად მდებარე ნაკრძალში. მეორე კონცერტი შედგა სალონიკში, სადაც გაცილებით მეტი მაყურებელი დაესწრო ფესტივალს, მათ შორის დარბაზში ამაყად მჯდარი, ცრემლმომდგარი ემიგრანტები.

რეპერტუარი

იცით როგორ იყო? სტუდიამ, რომელმაც მიგვიწვია, გააერთიანა საქართველოში სხვადასხვა ქალაქების ქორეოგრაფიული ანსამბლები. საქართველოდან მსოფლიო ფესტივალზე წარმოდგენილი ვიყავით რვა ჯგუფი. მაშინ როდესაც სხვა ქვეყნებს წარმოადგენდა თითო ანსამბლი. ფაქტობრივად, რჩებოდა შთაბეჭდილება, რომ ქართული კულტურის დღეები იმართებოდა სალონიკში. ანსამბლის უმცროსი თაობის მოცეკვავეებთან ერთად, წარმოვადგინეთ მრავალფეროვანი პროგრამა: „ნარნარი“, „კაური“, „სადარბაზო“, „ცეკვა-თამაში“ ახალი პროგრამიდან და ცეკვის პოპური. ამ უკანასკნელმა ყველაზე დიდი მოწონება დაიმსახურა.

გამონბაურება, ემიგრანტები, უმოციბი

დადებითი გამონბაურება წამოვიდა ემიგრანტიდან. მოდიოდნენ, გვეფერებოდნენ, გვკოცნიდნენ, ამაყობდნენ ჩვენით, მოეწონათ ჩვენი ბავშვების



ნაცეკვი, მათი გარეგნობა, კოსტიუმები... ბერძენი ორგანიზატორისგან, დაჯილდოების დროს განსაკუთრებული შეფასება მივიღეთ, რომ თქვენს მოცეკვავეებს სისხლში აქვთ ცეკვაო, მე შევამჩნიე თქვენი აკდემიზმი, ძალიან მოგვეწონეთ და სურვილი გვაქვს მომავალშიც გავაგრძელოთ ურთიერთობა. გადმოგვცა დიპლომები, პრიზები და ძალიან გახარებულები და ამაყები წამოვიდნენ ბავშვები ამ სიტყვების შემდეგ. მეტი სტიმული მიეცათ. რაც შეეხება ემიგრანტებს, სალონიკში 15 წელზე მეტ ხანს მცხოვრები ადგილობრივი ემიგრანტებისაგან, მივიღეთ შემოთავაზება ანსამბლმა გააკეთოს სოლო კონცერტი სალონიკში. რა თქმა უნდა, დავთანხმდით შემოთავაზებას. უკვე დაიწყო ამაზე მუშაობა.

ჩვენი გასტროლი, ხშირად შექდებოდა საბერძნეთის ემიგრანტების ჯგუფში. დაკვიკავშირდა ათენიდან ტელევიზიის მფლობელი ემიგრანტი ქალბატონი, გამოგვიგზავნა საშურში გადამღები ჯგუფი, ჩაიწერა გადაცემა, რომელიც სექტემბერში გავა ინტერნეტ ტელე ეთერში. ეს ქალბატონი, პარალელურად, მუშაობს იმისათვის, რომ „ოქროს ფარის“ სოლო კონცერტი გაიმართოს ათენში. ველოდებით დეტალების შეჯერებას.

შემდეგი გასტროლი, ამერიკა

ამჟამად ჩემს სოლოსთან, „ჯეირანის“ მოცეკვავესთან, ია ლომსაძესთან და ჩვენს ძალიან მაგარ გოგოსთან, იაკო ხინჩიკაშვილთან ერთად ვემზადებით ლას-ვეგასის მსოფლიო კონკურსისათვის, ინდივიდუალურ კონკურსში მონაწილეობისათვის. 23 აგვისტოს მივფრინავთ ამერიკაში.

- რატომ არიან გასტროლიდან დაბრუნებული „ოქროს ფარის“ მოცეკვავეები ყოველთვის ასეთი კმაყოფილები?

სხვა სიამაყით მოდიან გასტროლიდან. საქართველოში ყოველი მეორე ბავშვი ცეკვავს და ამას თითქმის თვალი აქვს შეჩვეული. როდესაც საზღვარგარეთ ცეკვავ და უამრავი სხვა ქვეყნის ანსამბლია ჩამოსული, მათ ფონზე თავად მაყურებელი აკეთებს შედარებას. ხედავ, როგორი აჟიოტაჟია, რამხელა გამონბაურება აქვს ქართულ ცეკვას, როგორი აღფრთოვანებულია მაყურებელი. გასტროლიდან დაბრუნებული ბავშვი ანალიზებს, რა განძს ეხება, რამდენად დიდი საგანძურია ქართული ცეკვა და შენ ამას ცეკვავ მსოფლიოს მამბებით. ეს მათ უფრო მეტ სტიმულს აძლევს და ამიტომაც ხშირად გაგვყავს ბავშვები საზღვარგარეთ, რომ თავად დაინახონ ქართული ფოლკლორის უპირატესობა.

სამი ანსამბლი საშურიდან

გასულ წლებში იმდენად დიდი მოწონება დაიმსახურა ქართულმა ანსამბლებმა, ქართულმა ცეკვებმა, რომ ფესტივალის ორგანიზატორებმა თავად გააკეთეს მოთხოვნა საქართველოდან სხვადასხვა ანსამბლებზე. საშურიდან წარმოდგენილი იყო სამი კოლექტივი. ანსამბლი „ოქროს ფარი“, ანსამბლი „სალადობო“ და ვოკალური სტუდია „ემ სტუდია“, მარი ობოლაძის ხელმძღვანელობით.

ქალბატონი არმი ავეტოსიანი მრავალი წელია აკეთებს მსოფლიო ფესტივალებს სხვადასხვა ქვეყნებში. ფესტივალის ორგანიზატორებმა „ოქროს ფარი“ განსაკუთრებულად დადებითად შეაფასეს. პრიზად დავიმსახურეთ ესპანეთის გასტროლი, დიდი ტურნე მომავალი წლის ზაფხულში.

მოცეკვავეთა შინაგანი კულტურა

აღნიშვნის ღირსია ის, რომ ანსამბლის ბავშვები მუდმივად გამოირჩევიან ზრდილობითა და შინაგანი კულტურით. მრავალ ქვეყანაში ვყოფილვართ და ყველა მასპინძელი აღფრთოვანებულია ჩვენი მოცეკვავეების წესიერებით. ვფიქრობ, ეს ცალკე აღნიშვნას იმსახურებს, რადგან იცეკვო მართო ქართული ცეკვა და შენი ქვეყა იყო მიუღებელი, დამეთანხმებით, ძალიან ცუდია. „ოქროს ფარის“ ბავშვები, კულტურითაც გამორჩეულები არიან და აღნიშნულზე ფესტივალის ორგანიზატორებიდან და მათთან შემხებლობაში მყოფი ადამიანებისაგან ყოველთვის მოდის დადებითი შეფასება.

მადლობა

ძალიან დიდი მადლობა მინდა ვუთხრა, ჩვენს მოცეკვავეებს, რომლებიც ბევრს შრომობენ, მათ გმირ მშობლებს, რომლებიც შვილების ბედნიერებისათვის უკან არ იხევენ. დიდი მადლობა „ენ სტუდიის“ ხელმძღვანელობას მანსისათვის, ასეთი შთამბეჭდავი გასტროლიდან დაბრუნებულიყავით.

გასტროლი ნაწილობრივ დაფინანსებული იყო ჩვენი მასპინძელი სტუდიისაგან, რომელმაც მოგვცა შესაძლებლობა დაგვეთვალეოთ ფესტივალის ფარგლებში ჰალკიდის კუნძული, წმინდა ადგილი მეტეორა უამრავი ქვაში გამოთლილი მონასტრებით, წმინდა ათონის მთა, საიდანაც გადმობრძანდა ბერი წმინდა ანას ნაწილებით, ჩვენს მოცეკვავეებისათვის გადაიხადა პარაკლისი. თურქეთში მოვინახულეთ აია სოფია, ბერძნული საოცრება, თურქული საოცრება ცისფერი მეჩეთი, თოფჯათის სასახლე. ძალიან შთამბეჭდავი შემეცნებითი ტური გამოვიდა. და მაინც, ამ გასტროლში, ალბათ უმთავრესი ისაა, რომ ათონის მთისა და მეტეორას მადლი მივიღეთ.

თუა ახალკაცი

ა(ა)იპ საშურის მუნიციპალიტეტის გაზეთი „საშურის მოამბე“. დირექტორი და გაზეთის რედაქტორი გიორგი გოგალაძე, მისამართი: საშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: საზინის ერთიანი ანგარიში, საიდენტიფიკაციო კოდი 443860984, სახელმწიფო საზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში.